

佛說舍利弗悔過經

念

後漢安息國三藏安世高譯

佛在羅閱祇者閻崛山中時與千二百五十比丘菩薩千人共坐第一弟子舍利弗起前長跪叉手問佛言若有善男子善女人意欲求佛道若前世為惡當何用悔之乎佛言善哉善哉舍利弗憂念諸天人民好乃如是佛言若有善男子善女人欲求阿羅漢道者欲求辟支佛道者欲求佛道者欲知去來之事者常以平旦日中日入人定夜半鷄鳴時澡漱整衣服叉手禮拜十方自在所向當悔過言某某等宿命從無數劫以來所犯過惡至今世所犯婬嫉所犯瞋怒所犯愚癡不知佛時不知法時不知比丘僧時不知善惡時若身有犯過若口犯過若心犯過若意犯過若意欲害佛嫉惡經道若闍比丘僧若殺阿羅漢若自煞父母若犯身三口四意三自煞生教人煞生見人煞生代其喜身自行盜教人行盜見人行盜代其喜身

自欺人教人欺人見人欺人代其喜身自兩舌教人兩舌見人兩舌代其喜身自罵詈教人罵詈見人罵詈代其喜身自妄言教人妄言見人妄言代其喜身自嫉妬教人嫉妬見人嫉妬代其喜身自貪餘教人貪餘見人貪餘代其喜身自不信教人不信見人不信代其喜身不信作善得善作惡得惡見人作惡代其喜身自盜佛寺中神物若比丘僧財物教人行盜見人行盜代其喜身自輕稱小斗短尺欺人以重稱大斗長尺侵人見人侵人代其喜身自故賊教人故賊見人故賊代其喜身自惡逆教人惡逆見人惡逆代其喜身諸所更以來生五處者在泥犁中時在禽獸中時在薜荔中時在人中時身在此五道中生時所犯過惡不孝父母不孝於師不敬於善友不敬於善沙門道人不敬長老輕易父母輕易於師父輕易求阿羅漢道者輕易求辟支佛道者若誹謗嫉妬之見佛道言非見惡道言是見正言不正見不正言正其等諸所作過惡願從十方諸佛求哀悔過

舍利弗悔過經 第三卷 念

令其等今世不犯此過殃令其等後世亦不被此過殃所以從十方諸佛求哀者何佛能洞視徹聽不敢於佛前欺其等有過惡不敢覆藏從今以後皆不敢復犯佛語舍利弗若有善男子善女人意不欲入泥犁禽獸薜荔中者諸所作過皆當悔過之不當覆藏受戒以後不當復作惡不欲生邊地無佛處無經處無比丘僧處無義理處善惡處者皆當悔過不當覆藏意不欲愚癡瞋盲瘖瘂不欲生屠生漁獵獄吏更生貧家皆當悔過不當覆藏女人欲求男子者皆當悔過欲得須陀洹道不復入泥犁薜荔中者皆當悔過欲得斯陀含道上天作人欲得阿那含道上二十四天欲得阿羅漢泥洹去者欲於世間得阿羅漢道者欲得辟支佛道者欲知去來之事者皆當悔過不當覆藏佛語舍利弗若有善男子善女人各當日三稽首為十方現在諸佛作札十方諸佛皆以中正迴教天下人日月所照人民使作善佛以經道雨於

舍利弗悔過經 第三卷 念

天下譬如天雨百穀草木皆茂好佛以經道雨於天下故生侯王四天王上至三十三天上豪貴富樂佛生須陀洹斯陀舍阿那舍阿羅漢者願十方諸佛聽其等所言天下人民蚰飛蠕動之類所作好惡若布施者若持道勤力不毀經戒者若慈心念人若者若作善無量者若施於菩薩及諸比丘僧者若施凡夫及貧窮者下至禽獸慈哀者其等勸其作善助其歡喜諸過去佛所可過度人民得泥洹者其等皆助其歡喜諸當來佛教人作善遠離五惡生死之道至令得阿羅漢辟支佛道者其等皆助其等勸樂使作善令如佛今十方現在諸佛所當過度者教人布施不犯經戒慈哀人民蚰飛蠕動之類者皆令脫於泥犁禽獸薜荔愚癡貧窮至令得須陀洹斯陀舍阿那舍阿羅漢辟支佛泥洹道其等皆勸樂使作善助其歡喜諸過去菩薩未成佛者奉行六波羅蜜所作善行檀波羅蜜布施尸波羅蜜不犯道禁行羼提波羅蜜忍

舍利弗悔過經 第四張 念

辱行精進波羅蜜精進行禪波羅蜜一心行般若波羅蜜智慧成六波羅蜜諸過去若菩薩奉行六波羅蜜其等勸樂助其歡喜諸當來菩薩奉行六波羅蜜者其等勸樂助其歡喜今現在菩薩奉行六波羅蜜者其等勸樂助其歡喜其等諸所得福皆布施天下十方人民父母蚰飛蠕動之類兩足之類四足之類多足之類皆令得佛福得辟支人持四大城金銀寶物持用布施百倍千倍百倍億倍佛語舍利弗若有善男子善女人當晝夜各當三過稽首為十方佛拜言願聽其等所言十方佛已得佛不說經今其等勸勉使為諸天人人民蚰飛蠕動之類說經使脫於泥犁禽獸薜荔愚癡貧窮至令得泥洹道諸十方欲般泥洹者其等願從求哀且莫般泥洹當令諸天人人民蚰飛蠕動之類得其福皆令得脫於泥犁薜荔佛語舍利弗其等宿命為菩薩時其等當勸樂諸佛說經且莫般泥洹用是故其等為佛第一四天王第二天王釋

舍利弗悔過經 第五張 念

來下叉手作札求哀守我諸天人說經無數諸天曉我且莫般泥洹佛語舍利弗言如是人民種種各得其類作善自得其福作惡自得其殃舍利弗白佛言若有善男子善女人欲求佛道者當何以願為得之佛言若有善男子善女人當晝夜各三稽首為十方佛拜言願十方諸佛聽其等宿命從無數劫以來所作得福若布施若持經道若持善意為佛作善為經作善為比丘僧作善為凡人作善若為禽獸作善作惡自得其殃作善自得其福為惡自悔持經戒不毀若受戒不與女人通若勸樂諸佛菩薩萬民作善若勸勉諸佛且莫般泥洹其等取諸學道以來所得福德皆集聚合會以持好心施與天下十方人民父母蚰飛蠕動之類皆令得其福有餘少所令其得之令其等作佛道行佛經諸未度者其當度之諸未脫者其等當脫之諸未得泥洹者其等當令得泥洹

舍利弗悔過經 第六張 念

為得阿羅漢辟支佛若有人供養天下阿羅漢辟支佛千歲其福寧多不舍利弗言但供養一阿羅漢辟支佛一日其福無量何況舉天下阿羅漢辟支佛千歲乎佛言其供養天下阿羅漢辟支佛千歲不如持悔過經晝夜各三過讀一日其得福勝供養天下阿羅漢辟支佛百倍千倍万倍億倍

佛說舍利弗悔過經

壬寅歲高麗國大藏都監奉

勅雕造

舍利弗悔過經

第七張

念

佛說舍利弗悔過經

校勘記

- 一 底本，麗藏本。
- 一 八八頁上一行「佛說」，諸本無。第八字「經」，石作「經一卷」。下同卷末經名同。
- 一 八八頁上二行第五字「國」，石無。「三藏」，資、磧、普、南、經、清作「沙門」。
- 一 八八頁上七行「何用」，資、磧、普、南、經、清作「用何」。
- 一 八八頁上一二行第一二字「整」，諸本作「正」。
- 一 八八頁上一三行第三字「礼」，資、磧、普、南、經、清無。
- 一 八八頁上一五行第六字「姝」，資、磧、普、南、經、清作「洗」。
- 一 八八頁中一五行第六字「喜」，石作「喜某」；資、普作「喜其」。
- 一 八八頁中一七行第五字「人」，普作「入」。
- 一 八八頁下七行第一一字「過」，資、磧、普、南、經、清無。
- 一 八八頁下一八行第一二字「知」，資、磧、普、南、經、清作「得知」。
- 一 八九頁上五行第一三字及下一八行第五字「娟」，石作「環」。
- 一 八九頁上一七行第一三字「脱」，石作「陀」。
- 一 八九頁中一行第二至三字「精進」，資、磧、普、南、經、清作「惟逮」。
- 一 八九頁中一〇行第五字「得」，資、磧、普、南、經、清作「德」。
- 一 八九頁中一二行末字「當」，資、磧、普、南、經、清無。
- 一 八九頁中一四行第九字「佛」，石作「諸」；資、磧、普、南、經、清作「諸佛」。
- 一 八九頁下一行第一〇字「我」，資、磧、普、南、經、清作「我使」。
- 一 八九頁下三行「種種」，資、磧、普、南、經、清作「種」。
- 一 八九頁下八行末字「某」，磧、普作

「其」。

一八九頁下一六行第一三字「德」，
石無。

一八九頁下一九行第四字「少」，
石、晉、南、經、清作「少分」。

一九〇頁上二行第一三字「多」，
石、晉、南、經、清作「為多」。

一九〇頁上五行「千歲」，諸本無。

一九〇頁上六行第六字「千」，諸本
無。

一九〇頁上七行「一日」，石無。

一九〇頁上七行第八字「其」，
石、晉、南、經、清作「其供養阿羅
漢辟支佛千不如持悔過經晝夜各
三過讀一日其」。